

萬
歷
會
計
錄

萬曆會計錄卷之三十三

本部職官

尚書壹員

左侍郎壹員

萬曆捌年奉旨不
妨部事總督倉場

右侍郎壹員

知印壹名○缺科典吏貳名萬曆柒年
裁減壹名○

承發科典吏陸名

聖諭

洪武壬寅遷兵部尚書滕德為戶部尚書以黃州
府知府秦适為戶部左侍郎程暹為戶部右侍

郎

上諭之曰六部統領諸司實為要職而戶部出納天下錢穀尤為繁重必得勤敏廉智之士以任之朕屢加遴選實難其人卿等才望為時所推故特授以是職宜各盡心所事德等頓首曰

陛下盛德與天同運宵旰之勤遠邁前古臣等才質愚下當鞠躬盡力以荅

寵命尋遷迺為殿中侍御史

聖訓

太祖高皇帝御製戶部尚書誥

侍郎同

昔君天下者首建倉廩府庫於斯建者備精糧藏金帛以待祿給庶職者也然而必設官以司之且古稱天子富有四海斯言既出永世人云可謂患驕愚之君臣何哉蓋斯言似理而實阿以其德隱而道微故也言富有四海而為四海用所以民為命而供君君為民而集給此所以道德也其似理者何以其盡海內以供之豈不臣有者乎此言富之理也實阿者何所以姦人若至君之左右使掌之動以富為首言則君悅富而妄費不問民瘼之艱辛若賢臣必欲致君知民瘼之艱辛當敷奏府

庫之儲集乃曰民脂民膏若妄費則道德虧矣若
奏以艱難謹以出納則府庫倉廩有餘庶職祿備
而軍足食民無橫科則國之常經定大道張君德
美矣於斯之職古今慎選賢能以職掌之天下戶
口之增減猶當備知而冊朕於此職可不重乎今
特命爾為戶部某官於戲量入度出毋復擾民至
公無私永懷朕命爾其懋哉

勅諭

宣德叁年

勅諭朕惟國以民為本以財為用地官卿實掌之夫

上衣食本乎農桑種藝以時則地無遺利遊食有禁則務本者多庶幾家給人足禮教可興比者野不加闢民或流亡爾當明夫休養生息之道財賦資國之用出入有節則國不至於空匱調度有方則民不疲於轉輸京師克實足以馭四方郡邑克實足以備饑歉邊境克實足以禦外侮比年遠近困於輓運而京師歲計不足爾當審於措置之宜倉廩所儲為姦人盜竊常數萬計豈無關防之術爾其審之遣官催糧往往在外貪濁豈無廉公可使爾其審之商販之徒阻滯鈔法累累禁約或通

或塞而歛散之方何者為宜爾其審之朕嗣承大
統董正治官富民足國尤為切要書曰政在養民
傳曰生之者衆食之者寡為之者疾用之者舒則
財恒足矣爾惟謹率其屬以倡民牧俾吾民家有
餘資人尚廉耻以弼予雍熙之治庶幾明良相承
之美欽哉故諭

宣宗章皇帝御製戶部箴

君國之道子民為先黎庶既安邦本植焉相古地
官寔爾之職均節惠和民乃衣食賦役有常民之
所供舊典式張惟爾卿佐暨乃攸屬庶幾夙夜恪

謹乃服民克臯殷樹藝以蕃上下畢克何有卒殫
惟勤惟時惟明惟允惟仁之溥而義之盡秦之商
鞅唐之宇文苛政暴括邦以不振爾惟鑒茲母縱
培克母說於隨母敗於墨子惟爾任爾其懋哉尚
友古人執德不回

總督倉場

侍郎壹員

或尚書壹員嘉靖間兼理西苑農事
隆慶初年遂止萬曆初年奉

旨以本部左侍郎管理不必另設

勅諭

今特命爾總提督在京及通州各倉并在京象馬

牛羊等房倉場收支糧料草束直抵臨清徐州淮安等處巡視一應倉場蓋國家以糧儲為重爾職專提督凡事務在區畫得宜仍須夙夜用心關防嚴密出納分明革除姦弊不許纖毫隱瞞透漏如遇倉廩損壞即督該管官員量撥軍夫修理各處輸運艱難尤宜體朕愛恤之心廉平公恕毋貪毋暴收支之際亦須嚴約倉官人等不許生事刁蹬剋害軍民如違聽爾拏問輕則量情發落重則送法司究治應奏請者恭奏施行如有官員勢要之人干預攪擾亦須指實奏聞區處爾其欽承朕命

彪之慎之故諭

所屬十三清吏司原設郎中壹員員外郎壹員後
設主事壹員宣德正統等年各司添設郎中主
事等官多寡不一

浙江清吏司

郎中壹員○員外郎壹員○主事肆員

萬曆玖年裁減

監生肆名○都吏壹名○令史叁名

萬曆

柒年裁減典吏玖名

所轄

浙江布政司○浙江都司

分轄

在京

留守左衛○龍虎衛○義勇右衛○羽林右衛
○應天衛○龍驤衛○康陵衛○神機營○龍
虎衛倉○義勇右衛倉○龍驤衛倉○康陵衛

倉

湖廣清吏司

郎中壹員○員外郎壹員○主事伍員

註選參
員其歲

員內萬曆玖
年裁減壹員○監生肆名○都吏壹名○今

史參名萬曆柒年
裁減壹名○典吏捌名

所轄

湖廣布政司○湖廣都司○湖廣行都司○興都留守司

分轄

在京

羽林前衛○通州衛○豹韜衛○和陽衛○永陵衛○昭陵衛○國子監○教坊司○羽林前衛倉○通州衛倉○永陵衛倉○昭陵衛倉○河南清吏司

郎中壹員○員外郎壹員○主事肆員

萬曆庚午歲

員壹○監生肆名○都吏壹名○令史叁名○
典吏柒名萬曆柒年裁減壹名

所轄

河南布政司○河南都司

分轄

在京

裕陵衛○大興左衛○燕山右衛○府軍前衛
○牧馬千戶所○裕陵衛倉○大興左衛倉○
燕山右衛倉○北府軍前衛倉○府軍前衛南
新倉

直隸

潼關衛○蒲州千戶所

江西清吏司

郎中壹員○員外郎壹員○主事伍員

萬曆玖年裁減

貳員○監生肆名○都吏壹名○令史參名

萬曆

崇年裁減壹名○典史柒名

所轄

江西布政司○江西都司

分轄

在京

金吾左衛○金吾前衛○金吾後衛○旗手衛
○濟陽衛○金吾左衛倉○金吾前衛倉○金
吾後衛倉○旗手衛倉○濟陽衛倉

雲南清吏司

郎中參員

掌印壹員京糧廳
壹員通糧廳壹員

○員外郎壹員○

主事拾員

內註選柒員其參員
萬曆玖年裁減貳員

○監生肆名○

都吏壹名○令史參名

萬曆柒年
裁減壹名

○典吏玖

名

所轄

雲南布政司○雲南都司

分轄

在京

忠義右衛○忠義前衛○府軍衛○府軍左衛
○府軍右衛○泰陵衛○虎賁左衛○大軍倉
○忠義右衛倉○忠義前衛倉○府軍衛倉○
府軍左衛倉○府軍右衛倉○泰陵衛倉○虎
賁左衛倉

內府各監局○軍器局

皇城四門倉

在外

臨清倉○德州倉○徐州倉○淮安倉○天津倉○漕運○崔黃口

陝西清吏司

郎中參員

掌印壹員耳國管糧壹員延寧管糧壹員

○員外郎壹員

○主事陸員

萬曆玖年裁減參員

○監生肆名

○都吏壹

名○令史參名○典吏拾壹名

內下糧廳肆名萬曆柒年

裁減壹名

所轄

陝西布政司○陝西都司○陝西行都司

分轄

在京各衙門俸糧

宗人府○中軍都督府○左軍都督府○右軍都督府○前軍都督府○後軍都督府○吏部○戶部○禮部○兵部○刑部○工部○都察院○通政使司○大理寺○翰林院○詹事府○太僕寺○尚寶司○鴻臚寺○六科○中書科○行人司○欽天監○太醫院○中兵馬司○東城兵馬司○西城兵馬司○南城兵馬司○北城兵馬司○京衛武學○文思院○皮作局○留守右衛○長陵衛○獻陵衛○景陵衛

○獻陵衛倉○景陵衛倉○神樞營○隨侍營
在外

延綏鎮○寧夏鎮○甘肅鎮○固原鎮

廣西清吏司

郎中壹員○員外郎壹員○主事參員

萬曆玖年裁減

壹員○監生肆名○都吏壹名○令史參名

萬曆

崇禎年裁減壹名○典史參名

所轄

廣西布政司○廣西都司

分轄

在京

光祿寺○太常寺○犧牲所○司牲司○太倉
銀庫○內府十庫○寬河衛○蔚州左衛○留
守前衛○瀋陽左衛○瀋陽右衛○寬河衛倉
○蔚州左衛倉○留守前衛倉○西城坊草場
○安仁坊草場○北新草場○明智坊草場○
臺基廠草場○中府草場○天師庵草場○御
馬倉○壩上倉○壩上東馬房倉○壩上北馬
房倉○壩上南倉○金盞兒甸倉○北高倉○
義河倉○湖渠馬房倉○壩上北倉○黃土倉

○鄭家庄馬房倉○湯山草場倉○北草場倉

○淖石橋倉○淖石橋南倉○峪口張家庄馬

房倉○南石渠倉○南石渠西倉○峪口官庄

馬房倉○峪口楊家橋馬房倉○東直門裏牛

房倉○東直門外牛房倉○吳家駝牛房倉○

內象房倉○外象房倉○通州草場○神樂觀

東安門倉萬曆捌年裁革歸併明智坊草場

山東清吏司

郎中貳員掌印壹員遊東管糧壹員○員外郎壹員○主事

肆員萬曆玖年裁減貳員○監生肆名○都吏壹名○令

史參名

萬曆元年
裁減倉名

○典吏米名

所轄

山東布政司○山東都司○山東鹽運使司○

遼東都司

分轄

在京

錦衣衛○大寧中衛○大寧前衛○錦衣衛倉

○大寧中衛倉○大寧前衛倉

直隸

兩淮鹽運使司○河間長蘆鹽運使司

在外

兩浙鹽運使司○河東陝西鹽運使司○福建
鹽運使司○四川提舉司○陝西靈州鹽課司
并西河漳縣○廣東海北二提舉司○雲南黑
白安寧五井四提舉司○江西南贛鹽稅○遼
東鎮○九邊中鹽

山西清吏司

郎中肆員

掌印壹員大同管糧壹員宣
府管糧壹員薊州管糧壹員○員外

郎壹員○主事伍員

萬曆玖年
裁減貳員

○監生肆名○

都吏壹名○令史卷名

萬曆柒年
裁減壹名

○典吏捌

名

所轄

山西布政司○山西都司○山西行都司

分轄

在京

燕山前衛○永清左衛○永清右衛○興武衛
○鎮南衛○燕山前衛倉○永清左衛倉○永
清右衛倉

在外

山西鎮○宣府鎮○大同鎮

廣東清吏司

郎中壹員○員外郎壹員○主事叁員

萬曆玖年裁

監生肆名○都吏壹名○令史叁名

萬曆

柒年裁典史玖名

所轄

廣東布政司○廣東都司

分轄

在京

神武左衛○義勇前衛○義勇後衛○鷹揚衛

○羽林左衛○留守中衛○蕃牧千戶所○莫

靖千戶所○神武左衛倉○義勇前衛倉○
勇後衛倉○羽林左衛倉

福建清吏司

郎中壹員○員外郎壹員○主事肆員

萬曆政
平裁減

員○監生肆名○都吏壹名○令史叁名
萬曆
平年裁
減壹名○典吏捌名

所轄

福建布政司○福建都司○福建行都司

分轄

在京

順天府○驍騎右衛○虎賁右衛○武成中衛
○留守後衛○茂陵衛○通州右衛○燕山左
衛○武驤左衛○武驤右衛○武成中衛倉○
留守後衛倉○茂陵衛倉○燕山左衛倉○通
州右衛倉○五軍營○巡捕營○勇士營○四
衛營

直隸

永平府○保定府○河間府○真定府○順德
府○廣平府○大名府○通州左衛○神武中
衛○神武右衛○涿鹿衛○涿鹿左衛○涿鹿

中衛○東勝左衛○大同中屯衛○瀋陽中屯
衛○河間衛○興州左屯衛○興州右屯衛○
興州中屯衛○興州前屯衛○興州後屯衛○
開平中屯衛○德州衛○定州衛○定邊衛○
德州左衛○忠義中衛○真定衛○武清衛○
永平衛○山海衛○密雲中衛○密雲後衛○
鎮朔衛○遵化衛○東勝右衛○盧龍衛○撫
寧衛○延慶衛○薊州衛○宣山衛○天津衛
○天津左衛○天津右衛○保定左衛○保定
右衛○保定中衛○保定前衛○保定後衛○

營州左屯衛○營州右屯衛○營州中屯衛
營州前屯衛○營州後屯衛○保安衛○茂山
衛○平定千戶所○梁城守禦千戶所○廣昌
千戶所○渤海守禦千戶所○居庸關千戶所
○寬河守禦千戶所○紫荊關千戶所○倒馬
關千戶所○滄州千戶所○順德守禦百戶所
○萬全都司○武定守禦千戶所○大寧都司
○山口倉○永盈倉○通濟庫○保安州○延
慶州

郎中壹員員外郎壹員○主事肆員年裁貳

監生肆名○都吏壹名○今又添名萬曆

柒年裁典吏玖名

所轄

四川布政司○四川都司○四川行都司

分轄

在京

彭城衛○武德衛○騰驤左衛○騰驤右衛○

府軍後衛○武功左衛○武功右衛○武功中

衛○神策衛○忠義後衛○金吾右衛○忠義

後衛倉○府軍後衛倉○金吾右衛倉○彭城
衛倉○彭城衛南新倉

南京

天策衛○神策衛○武德衛○府軍後衛○金
吾右衛○應天衛○龍驤衛○龍虎衛○羽林
右衛○留守左衛○水軍左衛○龍虎左衛○
豹韜衛○豹韜左衛○和陽衛○飛熊衛○英
武衛○廣武衛○孝陵衛○旗手衛○濟川衛
○金吾左衛○金吾前衛○金吾後衛○江淮
衛○府軍衛○府軍左衛○府軍右衛○虎賁

左衛○橫海衛○留守右衛○留守前衛○潯陽左衛○潯陽右衛○錦衣衛○龍江左衛○興武衛○鎮南衛○江陰衛○廣洋衛○羽林左衛○鷹揚衛○留守中衛○水軍右衛○龍江右衛○虎賁右衛○驍騎右衛○汝寧千戶所○洪塘千戶所○松江百戶所

直隸

安慶府○蘇州府○松江府○常州府○鎮江府○徽州府○寧國府○池州府○太平府○廬州府○鳳陽府○淮安府○揚州府○廣德

州○徐州○和州○滁州○蘇州衛○鎮海衛
○太倉衛○金山衛○安慶衛○新安衛○建
陽衛○宣州衛○廬州衛○六安衛○宿州衛
○高郵衛○沂州衛○徐州衛○徐州左衛○
壽州衛○睢陽衛○歸德衛○南陽衛○潁川
衛○邳州衛○儀真衛○泗州衛○留守左衛
○留守中衛○鳳陽衛○鳳陽右衛○鳳陽中
衛○中都留守司○滁州衛○淮安衛○大河
衛○揚州衛○長淮衛○懷遠衛○鎮江衛○
皇陵衛○神武中衛○興化千戶所○崇明流

守禦千戶所○嘉興千戶所

貴州清吏司

郎中參員

掌印壹員密雲管糧
青貢永平管糧壹員

○員外郎壹員

○主事肆員

萬曆玖年
裁貳員

○監生肆名○都吏壹

名○令史叁名

萬曆柒年
裁壹名

○典史玖名

萬曆
柒年

裁
壹名

所轄

貴州布政司○貴州都司

分轄

在京

會州衛○富峪衛○濟州衛○會州衛倉○富
峪衛倉○濟州衛倉○寶鈔提舉司○上林苑
監○崇文門分司○正陽門宣課司○安定門
稅課司○德勝門稅課司○都稅司○批驗茶
引所

在外

張家灣宣課司○臨清鈔關○許墅鈔關○九
江鈔關○揚州鈔關○淮安鈔關○止新鈔關
○河西務鈔關○薊州鎮○密雲鎮○永平鎮
○昌平鎮○易州鎮

兩廳

司務廳

司務貳員

照磨所

照磨壹員○檢校壹員○典史拾叁名

萬曆
年裁減

特差

洪熙元年本部右侍郎劉璉奉

勅差往宣府總兵官譚廣處整理機密文書拾年考

滿

欽陞從二品俸

正統拾叁年本部侍郎劉璉奏老疾乞歸本部議
本官精神未衰善理邊務且本部只有尚書王
佐侍郎儲懋管理部事無可代者覆

准仍行照舊提督各倉場軍餉

成化叁年征剿建州賊寇本部題

准差郎中張裴程泰隨糧僨運

崇年本部題

准差員外郎劉顯郝拱董齡李汝嘉往宣夏甘肅等
處查盤錢糧

弘治拾年差本部左侍郎劉大夏兼都察院左僉
都御史帶領主事劉璣往宣府等處督理糧草
拾肆年小王子部落及黃毛達子欲搶大同差
本部侍郎李鑑郎中田彭主事劉繹往彼整理
糧草

本年差郎中相桓夏暹員外郎趙履祥夏從壽
主事程杲同科道官往南京南直隸等處清理
屯田

嘉靖陸年本部題 准差郎中張蔓領
勅運銀往宣府整理糧草

拾壹年虜衆住套缺乏錢糧本部會推本部右侍郎張重兼憲職總督軍餉仍帶員外郎袁淮主事楊銳王垣隨同委用

拾玖年總督蘇祐題乞多發帑銀委重臣添買芻糧本部覆奉

聖旨傳鳳翔着兼都察院右僉都御史管理宣大糧餉寫勅與他欽此

貳拾壹年總督翟鵬題醜虜蹂踐地方調集八鎮兵馬拾萬文費浩繁請差戶部堂上官壹員督理軍餉本部議會推兵部右侍郎趙廷瑞堪

以委用奉

聖旨是趙廷瑞改戶部右侍郎兼都察院右僉都御史着專一總督宣大山西偏保等處軍餉寫勅與他着上緊去欽此

叁拾年尚書孫應奎題奉

聖旨葛守禮着兼都察院右僉都御史督理宣大山西等處糧餉寫勅與他欽此

叁拾壹年傳報聲息緊急本部題差大臣協理糧餉奉

聖旨方鉉着兼右僉都御史帶領屬官貳員前去宣

大督理調到客兵糧餉寫勅與他上緊去給發錄
兩并其餘事宜都准行仍差主事石茂華王尚禮
隨同經理欽此

隆慶肆年薊鎮傳報聲息吏部題

准將刑部右侍郎戴才改本部左侍郎兼右僉都御
史前往通州順義等處督理糧餉

萬曆捌年尚書張學顏題查勘營田緣由奉

聖旨近來朝廷法令各撫按官通不着實遵行曲庇
屬官扶同欺罔積習成風牢不可破其繳奏文冊
不過紙上虛文何足憑據你部裏便差忠實明敏

司屬官壹員前去從實查看了來說欽此本部選
得雲南司郎中梁承學堪以差用請給

勅書壹道并關防壹顆付本官前去淮鳳地方親詣
各州縣逐處逐件仔細查勘有無實效分別各
官功罪具奏如扶同欺罔并抗違者即指名叅
治未盡事宜本官便宜施行奉

聖旨是梁承學着上緊去如查勘不實扶同欺罔朝
廷別有訪聞一體叅治不饒欽此

註選叁年壹代

京倉京糧廳郎中壹員○通倉通糧廳郎中壹

員○宣府管糧郎中壹員○大同管糧郎中壹員○
員○薊州管糧郎中壹員○永平管糧郎中壹員○
員○密雲管糧郎中壹員○遼東管糧郎中壹員○
員○延寧管糧郎中壹員○甘固管糧郎中壹員○
員○祿米倉主事壹員○舊太倉主事壹員○
南新濟陽貳倉主事壹員○北新大軍貳倉主
事壹員○海運新太貳倉主事壹員○西新太
等叁倉主事壹員○通州大運中倉主事壹員
○通州大運西倉主事壹員○通州大運南倉
主事壹員○昌密空運主事壹員

萬曆改年
革歸併通

官場
無管

題差參年壹代

代州管糧主事壹員○易州管糧主事壹員○

昌平管糧主事壹員○淮安倉主事壹員連下

官員原係壹年壹代萬臨清倉主事壹員○德州倉主事壹員○

縣捌年議改參年壹代臨清倉主事壹員○徐州倉主事壹員○天津

倉主事壹員

題差壹年壹代

僨運郎中壹員萬曆陸年停差○臨清鈔關主事壹員

○河西務鈔關主事壹員○許墅鈔關主事壹

員○九江鈔關主事壹員○小灘監兌主事壹

員○蘇松監兌主事壹員○江西監兌主事壹

員○湖廣監兌主事壹員○太倉銀庫主事壹

員○御馬倉主事壹員○象房并安仁坊草場

主事壹員萬曆玖年將西城坊草場歸併帶管○通州草場并馬

房地土兼管張家灣商稅主事壹員萬曆玖年添管空運

○明智臺基草場主事壹員萬曆玖年將北新草場并司牲司歸

併帶○南京鹽引勘合主事壹員萬曆捌年○

糧長勘合主事壹員

部差壹年壹代

壩上等倉主事壹員萬曆玖年將全○南石渠

等倉主事壹員萬曆玖年將全○黃土等倉

主事壹員萬曆玖年將全○九門鹽法主事壹

員○下糧廳主事壹員○驗糧廳主事壹員○

皇城四門倉主事壹員○大通橋主事壹員○

冬衣布花主事壹員○本科主事肆員

部差叁月壹代

崇文門主事壹員○銀庫協收主事壹員

以上題差部差間一有差員外者

沿革事例

隆慶陸年尚書王國光查得

國初以至弘治各司員外主事俱在司分理衆務
今惟郎中壹人而已遇有陞轉暫借別司管理
衆務填委幹辦不周間或廢閣致滋他弊殊失
設官初意題 准今後凡在京題差部差等官
照舊在部不妨原務帶理司事

萬曆元年尚書王國光題議本部司屬差往各處
管倉監兌等項俱有定限近來各官違限者多
合宜申飭以後差出本部量地遠近定為限期

責令依限回部如踵故習違限些箇月以上者
罰治陸箇月以上者降用若南京陞調外官遷
轉年餘未到者一體叅治庶職業不廢劇曹永
賴奉

聖旨這本說的是以後但有差滿違限及陞調遷延
久不到部的着實叅來究治欽此

參年尚書王國光題本部浙江等十三清吏司
既總領各省錢糧又以南直隸府衛州縣分
屬如順天府常州府則雲南司分管應天府河
間府則江西司分管蘇州府延慶州保安州則

山西司分管松江府鳳陽府則河南司分管鎮江府太平府大名府保定府和州則廣東司分管廣德州則湖廣司分管揚州府則山東司分管寧國府徐州滁州則陝西司分管廬州府安慶府則福建司分管順德府池州府則四川司分管真定府淮安府徽州府則廣西司分管廣平府永平府則貴州司分管又山東司總派鹽引矣而各邊中納則山西陝西貳司管之雲南司專管倉漕矣而沿河諸倉則廣西山東等司管之鈔關本折貴州司題奏而崇文河西臨清

九江乃分之山東雲南貳司料草派買廣西
題奏而御馬象房貳拾肆馬房乃分之浙江
湖廣福建等司付文瑣屑往來稽遲案卷散闊
又至沉匿或撫按合貳參府而具奏而題覆專
責壹司則彼此互相推諉或事例經先後以題
明而承行者專屬壹司則各司不相照管或管
解員役投文至部則東馳西驚或通行文移應
該商度則甲可乙否官司襲故不察弊源吏胥
乘機喜為利窟臣等徒竭精神終恐脫漏今議
得四川福建貳司錢糧獨少而四川通無起運

職行最簡合無以止直隸府衛州歸併於福建
司南直隸府衛州歸併於四川司各邊中引併
之山東司臨德諸倉併之雲南司 御馬家房
貳拾肆馬房倉歸於廣西司崇文潞墅河西臨
清各關稅歸於貴州司壹方同司壹事專管則
總覈者有所責成承行者庶無推諉官民兩利
中外具便奉

聖旨這各司職務既分屬明白都依擬着永為遵守
你每堂上官還要精覈責成毋容怠玩曠職欽此
崇年尚書張學顏題查得本部一應差委各員

俱係收放錢糧重務除密雲等州錢糧通判
廳各郎中舊太等倉并各鈔關及監兌等官例
俱考覈相應照舊其題差在內 御馬等倉內
外象房京五草場太倉銀庫伍員在外昌平
州代州管糧參員徐淮臨德天津倉伍員舊例
原無考覈今查各差亦係分管錢糧差滿之日
相應通行考覈奉

聖旨是這舊例考覈及今議應考各官差滿回部務
要着實從公考覈毋事姑息南京各差部屬官也
照這例行欽此

本年尚書張學顏題淮安管倉主事鍾昌壹年
差滿回部考察奉

聖旨鍾昌准復職今後考覈差回官員除賢能卓異
的開其實蹟送部紀錄外其餘只照御史回道考
察事理覈其有無贓私過犯不必用考語欽此

本年吏部咨開通行在京各衙門逐一清查吏
役人多者裁其名數空閑者併其科分其應裁
吏典即有頂首亦容照前酌處本部查得各吏
役如照磨所糧冊盡歸下糧廳管理原設吏壹
拾叁名似屬太多又如各司筭科承行事務不

過參肆件亦設專吏壹名雖非空枝亦屬
俱應裁併共裁減令典壹拾捌名移咨吏部
撥

捌年尚書張學顏查得本部題差徐淮臨德天
津倉各官舊以壹年為限因新舊交代甚速倉
糧多指販換封不暇交盤年復壹年間多滯爛
舊官以解去而追於追論新官又以接管而難
於叅懲責任不專遵行未便題 准比照各邊
管糧官事例俱限叁年滿日呈部差官更替
本年尚書張學顏題查得徐淮臨德天津管倉

官伍員舊係壹年更代如遇給由亦候差滿補
考今議叁年壹更與各邊郎中事體相同如遇
叁年考滿備將行過事蹟具呈本部嚴加考覈
咨送吏部類考其原領精微批文止限壹年合
宜通候叁年滿日回部奏繳奉

聖旨是欽此

本年尚書張學顏查題先年監兌官本部各撥
吏壹名隨去地方應役但近奉

明旨各處撫按書吏通行裁革而監兌書吏所至地
方廩給等費甚多題 准將前吏停革其行文

造冊即於駐劄州縣選取書手肆名應用奉

聖旨是欽此

致年尚書張學顏題該吏部咨開本部各司應
裁主事共貳拾壹員已經題奉

明旨俱令在任候裁外所有應併各差官員未經題
議查得在京草場肆差俱係題請壹年更替

除御馬廄場壹差內外象房明智臺基廠壹
差錢糧數多難以議併外其西城北新草場壹
差錢糧不多合無將西城坊草場歸併安仁坊
帶管北新草場并司牲司歸併明智坊帶管又

查得內外馬房陸差俱係部委除壩上黃土南
石渠叁差難以議併外其牛房倉壹差金盞倉
壹差淨石橋倉壹差錢糧不多將牛房倉歸併
黃土倉金盞倉歸併壩上倉淨石橋倉歸併南
石渠倉各照帶管又查得兗運昌密貳鎮主事
壹員初議歸併通州中南貳倉帶管但兗運漕
糧之時正值通倉收糧之日照管未便合無歸
併通州草場主事兼管其裁革各差書筭皂隸
人役一併裁革奉

聖旨是近來科道部屬等官凡奉差委即濫收書筭

人役專一欺公作弊罔利害人今後着通行裁革
有造言騰謗及營求復入的着本管官即拿送法
司重究各該衙門知道欽此

臣等謹按

國初設戶部以尚書侍郎總其綱設金倉民支肆
子部分理之繼罷子部設十三司與司務照檢
互相稽覈其後又以出納浩繁不能兼攝則又
為差者參銓部選授謂之註差疏名

前命謂之題差部堂檄委謂之部差其限或叁年壹
年按季而代無非以共經

國計而已顧錢穀所出掌之有司道里既有遠近而條目繁瑣則弊尤易生焉故其患難於周知今四方民力竭矣而歲費視

國初增至數倍故其患難於搏節中外奏報與公私之所仰給要在酌盈濟虛以求可繼然此固未易言者故其患難於調停爾時大小臣工皆奉法守職惟恐不稱

德意矧部中所掌皆民膏國脉以佐仁儉之德富庶之治其職視諸曹獨繁難焉尚其夙夜而恪共乃事乎

萬曆會計錄卷之三十四

文武官俸祿

在京文官俸糧本折則例

永樂拾玖年定一品至五品叁分米柒分鈔六
品至九品肆分米陸分鈔其本色米每月在京
止支伍斗餘在南京倉支不願者俱准在京折
鈔貳拾貳年又令一品至九品改添本色米伍
斗於折鈔內扣除連前本色米共足壹石宣德
陸年定於京庫生絹折支本色米兩月每絹壹
疋准米貳石餘俱於南京關支柒年將贓罰錢

布絹衣服等件折支本色米壹石至正統肆年
始定於折鈔內再改添本色米每月壹石於京
倉關支其餘本色米仍赴南京關支至弘治拾
年始定原該南京倉支本色米改令每石折銀
柒錢於太倉庫支故今本色俸有三本色米每
月壹石正統肆年例也折絹米兩箇月宣德陸
年例也折銀米拾箇月弘治拾年例也嘉靖柒
年又定絹壹疋折銀柒錢其折色俸先前亦有
貳頃有本色鈔有絹布折鈔不等至正統元年
始分上下半年之例上半年支本色鈔錠下半

年以胡椒蘇木折鈔開支成化末年以後椒木
不敷議將甲字庫綿布折支每俸壹石該鈔貳
拾貫每鈔貳百貫折布壹疋嘉靖末年始定每
疋折銀叁錢徵解太倉庫放支本色鈔錠先年
因庫貯鈔錠不敷於贓罰廣盈等庫查有積貯
附餘綾羅絹布氈氍皮張顏料衣物銅錢等件
估計折支嘉靖以來漸不支給

正一品歲該俸壹千肆拾肆石內本色俸叁百叁
拾壹石貳斗折色俸柒百壹拾貳石捌斗本色
俸內除支米壹拾貳石外折銀俸貳百陸拾陸

石折絹俸伍拾叁石貳斗共該銀貳百肆兩
錢貳分折色俸內折布俸叁百伍拾陸石肆斗
共該銀壹拾兩陸錢玖分貳釐折鈔俸叁百伍
拾陸石肆斗該本色鈔柒千壹百貳拾捌貫
從一品歲該俸捌百捌拾捌石內本色俸貳百捌
拾肆石肆斗折色俸陸百叁石陸斗本色俸內
除支米壹拾貳石外折銀俸貳百貳拾柒石折
絹俸肆拾伍石肆斗共該銀壹百柒拾肆兩柒
錢玖分折色俸內折布俸叁百壹石捌斗該銀
玖兩伍分肆釐折鈔俸叁百壹石捌斗該本色

陸千叁拾陸貫

正二品歲該俸柒百叁拾貳石內本色俸貳百叁拾柒石陸斗折色俸肆百玖拾肆石肆斗本色俸內除支米壹拾貳石外折銀俸壹百捌拾捌石折絹俸叁拾柒石陸斗共該銀壹百肆拾肆兩柒錢陸分折色俸內折布俸貳百肆拾柒石貳斗該銀柒兩肆錢壹分陸釐折鈔俸貳百肆拾柒石貳斗該本色鈔肆千玖百肆拾肆貫從二品歲該俸伍百柒拾陸石內本色俸壹百玖拾石捌斗折色俸叁百捌拾伍石貳斗本色俸

內除支米壹拾貳石外折銀俸壹百肆拾玖石
折絹俸貳拾玖石捌斗共該銀壹百壹拾肆兩
柒錢叁分折色俸內折布俸壹百玖拾貳石陸
斗該銀伍兩柒錢柒分捌釐折鈔俸壹百玖拾
貳石陸斗該本色鈔叁千捌百伍拾貳貫

正三品歲該俸肆百貳拾石內本色俸壹百肆拾
肆石折色俸貳百柒拾陸石本色俸內除支米
壹拾貳石外折銀俸壹百壹拾石折絹俸貳拾
貳石共該銀捌拾肆兩柒錢折色俸內折布俸
壹百叁拾捌石該銀肆兩壹錢肆分折鈔俸壹

百參拾捌石該本色鈔貳千柒百陸拾貳

從三品歲該俸參百壹拾貳石內本色俸壹百壹

拾壹石陸斗折色俸貳百石肆斗本色俸內除

支米壹拾貳石外折銀俸捌拾叁石折絹俸壹

拾陸石陸斗共該銀陸拾叁兩玖錢壹分折色

俸內折布俸壹百石貳斗該銀叁兩陸釐折鈔

俸壹百石貳斗該本色鈔貳千零肆貫

正四品歲該俸貳百捌拾捌石內本色俸壹百肆

石肆斗折色俸壹百捌拾叁石陸斗本色俸內

除支米壹拾貳石外折銀俸柒拾柒石折絹俸

壹拾伍石肆斗共該銀伍拾玖兩貳錢玖分折
色俸內折布俸玖拾壹石捌斗該銀貳兩柒錢
伍分肆釐折鈔俸玖拾壹石捌斗該本色鈔壹
千捌百叁拾陸貫

從四品歲該俸貳百伍拾貳石內本色俸玖拾叁
石陸斗折色俸壹百伍拾捌石肆斗本色俸內
除支米壹拾貳石外折銀俸陸拾捌石折絹俸
壹拾叁石陸斗共該銀伍拾貳兩叁錢陸分折
色俸內折布俸柒拾玖石貳斗該銀貳兩叁錢
柒分陸釐折鈔俸柒拾玖石貳斗該本色鈔壹

千伍百捌拾肆貫

正五品歲該俸壹百玖拾貳石內本色俸柒拾伍石陸斗折色俸壹百壹拾陸石肆斗本色俸內除支米壹拾貳石外折銀俸伍拾叁石折絹俸壹拾石陸斗共該銀肆拾兩捌錢壹分折色俸內折布俸伍拾捌石貳斗該銀壹兩柒錢肆分陸釐折鈔俸伍拾捌石貳斗該本色鈔壹千壹百陸拾肆貫

從五品歲該俸壹百陸拾捌石內本色俸陸拾捌石肆斗折色俸玖拾玖石陸斗本色俸內除支

米壹拾貳石外折銀俸肆拾柒石折絹俸玖石肆斗共該銀叁拾陸兩壹錢玖分折色俸內折布俸肆拾玖石捌斗該銀壹兩肆錢玖分肆釐折鈔俸肆拾玖石捌斗該本色鈔玖百玖拾陸貫

正六品歲該俸壹百貳拾石內本色俸陸拾陸石折色俸伍拾肆石本色俸內除支米壹拾貳石外折銀俸肆拾伍石折絹俸玖石共該銀叁拾肆兩陸錢伍分折色俸內折布俸貳拾柒石該銀捌錢壹分折鈔俸貳拾柒石該本色鈔伍百

肆拾貫

從六品歲該俸玖拾陸石內本色俸伍拾陸石肆斗折色俸叁拾玖石陸斗本色俸內除支米壹拾貳石外折銀俸叁拾伍石折絹俸柒石共該銀貳拾陸兩壹拾玖石捌斗該銀伍錢玖分肆釐折鈔俸壹拾玖石捌斗該本色鈔叁百玖拾陸貫

正七品歲該俸玖拾石內本色俸伍拾肆石折色俸叁拾陸石本色俸內除支米壹拾貳石外折銀俸叁拾伍石折絹俸柒石共該銀貳拾陸兩

玖錢伍分折色俸內折布俸壹拾捌石該銀伍
錢肆分折鈔俸壹拾捌石該本色鈔叁百陸拾
貫

從七品歲該俸捌拾肆石內本色俸伍拾壹石陸
斗折色俸叁拾貳石肆斗本色俸內除支米壹
拾貳石外折銀俸叁拾叁石折絹俸陸石陸斗
共該銀貳拾伍兩肆錢壹分折色俸內折布俸
壹拾陸石貳斗該銀肆錢捌分陸釐折鈔俸壹
拾陸石貳斗該本色鈔叁百貳拾肆貫

正八品歲該俸柒拾捌石內本色俸肆拾玖石貳

斗折色俸貳拾捌石捌斗本色俸內除支米壹
拾貳石外折銀俸叁拾壹石折絹俸陸石貳斗
共該銀貳拾叁兩捌錢柒分折色俸內折布俸
壹拾肆石肆斗該銀肆錢叁分貳釐折鈔俸壹
拾肆石肆斗該本色鈔貳百捌拾捌貫

從八品歲該俸柒拾貳石內本色俸肆拾陸石捌
斗折色俸貳拾伍石貳斗本色俸內除支米壹
拾貳石外折銀俸貳拾玖石折絹俸伍石捌斗
共該銀貳拾貳兩叁錢叁分折色俸內折布俸
壹拾貳石陸斗該銀叁錢柒分捌釐折鈔俸壹

拾貳石陸斗該本色鈔貳百伍拾貳貫

正九品歲該俸陸拾陸石內本色俸肆拾肆石肆斗折色俸貳拾壹石陸斗本色俸內除支米壹拾貳石外折銀俸貳拾柒石折絹俸伍石肆斗共該銀貳拾兩柒錢玖分折色俸內折布俸壹拾石捌斗該本色鈔貳百壹拾陸貫

從九品歲該俸陸拾石內本色俸肆拾貳石折色俸壹拾捌石本色俸內除支米壹拾貳石外折銀俸貳拾伍石折絹俸伍石共該銀壹拾玖兩

貳錢伍分折色俸內折布俸玖石該銀貳錢柒分折鈔俸玖石該本色鈔壹百捌拾貫

各衙門吏典監生等役月糧則例

府部院寺等衙門吏典俱月支壹石○太常寺提點知觀月支壹石伍斗樂舞生月支肆斗○府部等衙門歷事監生有家小者着歷日為始月支壹石叁箇月考勤後月支陸斗無家小者初支陸斗考勤後月支肆斗○六科鴻臚寺尚寶司等衙門歷事監生月支壹石○國子監官吏除俸糧外月支饌米叁斗叁升玖合監生有家

小者月支捌斗叁升壹合無家小者月支叁升
叁升玖合○欽天監天文生月支柒斗陰陽人
月支肆斗○太醫院醫士月支柒斗醫生月支
肆斗有叁斗者○五城兵馬司管繕所典吏生
藥庫都稅司正陽等門宣課等司批驗茶引等
所通濟等局各攢典俱月支陸斗

歲支

萬曆陸
年約數

吏部官員監生吏典每年約支本色米玖百陸拾
壹石官員折俸并折絹布銀柒百壹拾柒兩零
銅錢伍萬叁千陸百捌拾餘文

戶部官員監生吏典每年約支本色米叁千肆百玖石零官員折俸并折絹布銀叁千玖百伍拾陸兩零銅錢叁拾萬玖千叁百伍拾文

禮部官員監生吏典并合屬衙門每年約支本色米壹千捌百壹拾叁石零官員折俸并折絹布銀壹千壹百捌拾捌兩零銅錢玖萬玖千伍百捌拾餘文

兵部官員監生吏典并合屬衙門每年約支本色米叁千壹百陸石零官員折俸并折絹布銀貳千肆百柒拾壹兩零銅錢貳拾萬伍千叁百叁

拾文

刑部官員監生吏典每年約支本色米叁千叁百
叁石零官員折俸并折絹布銀貳千陸百叁拾
玖兩零銅錢貳拾貳萬叁千捌百肆拾餘文

工部官員監生吏典并合屬衙門每年約支本色
米貳千伍拾伍石零官員折俸并折絹布銀壹
萬壹千壹百伍兩零銅錢捌拾柒萬叁千捌百
伍拾餘文

都察院官員監生吏典每年約支本色米肆千叁
百肆拾捌石零官員折俸并折絹布銀貳千玖

百柒拾伍兩零銅錢貳拾肆萬玖千肆百伍拾
餘文

通政使司官員監生吏典每年約支本色米肆百
柒石零官員折俸并折絹布銀叁百捌拾捌兩
零銅錢叁萬貳千叁百捌拾文

大理寺官員監生吏典每年約支本色米捌百貳
拾玖石零官員折俸并折絹布銀陸百伍拾壹
兩零銅錢伍萬肆千玖百伍拾餘文

翰林院官員吏典每年約支本色米壹千玖百捌
拾叁石零官員折俸并折絹布銀叁千壹百叁

拾柒兩零銅錢貳拾陸萬玖千伍百貳拾餘文
詹事府官員吏典每年約支本色米壹百陸拾石
零官員折俸并折絹布銀貳百玖拾柒兩零銅
錢貳萬肆千伍百玖拾餘文

國子監官員監生吏典每年約支本色米貳千伍
百柒拾玖石零官員折俸并折絹布銀伍百陸
拾叁兩零銅錢肆萬捌千伍百餘文

太常寺官員吏典每年約支本色米壹千捌拾肆
石零官員折俸并折絹布銀壹千伍百柒拾玖
兩零銅錢壹拾叁萬貳千伍百陸拾餘文

太僕寺官員吏典每年約支本色米叁百叁拾壹石零官員折俸并折絹布銀叁百柒兩零銅錢貳萬肆千陸百叁拾餘文

鴻臚寺官員監生吏典通事每年約支本色米貳千壹百捌拾貳石官員折俸并折絹布銀貳千玖百貳兩零銅錢貳拾壹萬壹千肆百叁拾餘文

光祿寺官員吏典每年本色米隨禮部關支外官員約支折俸并折絹布銀壹千叁拾兩零銅錢捌萬捌千壹百餘文

順天府官員吏典并合屬衙門官吏每年約支本色米貳千伍百柒拾柒石零官員折俸并折絹布銀陸百貳拾肆兩零銅錢伍萬壹千肆百餘文

吏科官員監生每年約支本色米伍拾捌石官員折俸并折絹布銀壹百壹兩零銅錢柒千捌百壹拾餘文

戶科官員監生每年約支本色米捌拾伍石零官員折俸并折絹布銀壹百壹拾柒兩零銅錢貳千柒拾餘文

禮科官員監生每年約支本色米捌拾柒石零官員折俸并折絹布銀玖拾兩陸錢零銅錢柒千壹拾餘文

兵科官員監生每年約支本色米壹百壹拾石零官員折俸并折絹布銀壹百叁拾貳兩伍錢零銅錢壹萬貳百玖拾餘文

刑科官員監生每年約支本色米壹百壹拾玖石零官員折俸并折絹布銀壹百肆拾叁兩柒錢零銅錢壹萬壹千貳百捌拾餘文

工科官員監生每年約支本色米玖拾伍石玖斗

零官員折俸并折絹布銀壹百叁拾肆兩零錢壹萬伍百肆拾餘文

中書科官員吏典每年約支本色米伍百貳拾壹石零官員折俸并折絹布銀玖百陸拾壹兩零銅錢捌萬貳千柒百餘文

尚寶司官員監生吏典每年約支本色米壹百捌石零官員折俸并折絹布銀貳百陸拾陸兩零銅錢貳萬貳千肆百餘文

行人司官員監生吏典每年約支本色米肆百伍拾玖石零官員折俸并折絹布銀柒百柒拾貳

兩零銅錢陸萬陸千柒百餘文

欽天監官員吏典并天文等生每年約支本色米貳千肆百叁拾石零官員折俸并折絹布銀捌百貳拾伍兩零銅錢陸萬玖千柒百餘文

上林苑監官員吏典每年約支本色米叁百伍石零官員折俸并折絹布銀貳百捌拾貳兩零銅錢貳萬肆千叁百餘文

太醫院官員吏典醫士每年約支本色米壹千柒百壹拾伍石零官員折俸并折絹布銀肆百柒拾玖兩零銅錢肆萬玖百餘文

宗人府官員吏典每年約支本色米伍拾玖石
官員折俸并折絹布銀叁拾捌兩零銅錢叁千
肆百餘文

左軍都督府官員監生吏典每年約支本色米叁
百叁拾一石零經歷都事折俸并折絹布銀伍
拾捌兩零銅錢肆千伍百玖拾文

右軍都督府官員監生吏典每年約支本色米伍
百肆拾肆石零經歷都事折俸并折絹布銀伍
拾捌兩零銅錢肆千伍百玖拾文

中軍都督府官員監生吏典每年約支本色米玖

百壹拾玖石零經歷都事折俸并折絹布銀伍拾捌兩零銅錢肆千伍百玖拾文

前軍都督府官員監生吏典每年約支本色米壹百壹拾捌石零經歷都事折俸并折絹布銀伍拾捌兩零銅錢肆千伍百玖拾文

後軍都督府官員監生吏典每年約支本色米玖百玖拾壹石零經歷都事折俸并折絹布銀伍拾捌兩零銅錢肆千伍百玖拾文

沿革事例

洪武貳拾叁年令六部都察院所屬歷事官叁年無私過者給全俸壹年者給半俸

永樂元年令在京文武官一品二品四分支米陸分支鈔三品四品米鈔中半兼支五品六品陸分支米肆分支鈔七品八品捌分支米貳分支鈔每新鈔貳錠折米壹石該衙門自赴該庫關支

玖年令在京文武官九品至七品捌分支米貳分支鈔六品柒分支米叁分支鈔五品陸分支米肆分支鈔四品至一品米鈔中半兼支雜職官全支米

拾玖年以行在衙門裁革令隨從在京官員
品至五品叁分米柒分鈔六品至九品肆分米
陸分鈔其米每月在京支伍斗餘於南京倉支
不願者准在京折鈔雜職官有家小者月支陸
斗無者肆斗伍升餘折鈔

貳拾貳年令在京文武官折俸鈔俱給胡椒蘇
木胡椒每斤准鈔壹拾陸貫蘇木每斤捌貫仍
自一品至九品每月在京各添給米伍斗其米
於折鈔內扣除雜職官有家小者添給肆斗共
壹石無者添給壹斗伍升共陸斗

宣德陸年令以承運庫生絹折在京文武官拾壹月拾貳月本色俸每疋折米貳石

柒年令文武官月支本色俸壹石以兩京贓罰庫布絹衣服等物折支

捌年令兩京文武官折色俸每鈔壹拾伍貫准米壹石仍以拾分為率柒分折絹叁分折布絹每疋折鈔肆百貫布每疋折鈔貳百貫

玖年令以胡椒蘇木折兩京文武官俸鈔胡椒每斤准鈔壹百貫蘇木每斤伍拾貫

正統元年令在京文武官折色俸上半年關與鈔

錠下半年關與胡椒蘇木

肆年令北京文武官自一品至九品俱添本色米壹石雜職每月添貳斗

本年又令在京文武官每月該支俸仍給本色其拾月拾壹月南京該支米數照舊折絹

捌年侍郎李暹題照得南京官吏俸糧俱於本衙門置立板倉收支今在京府部院等衙門官吏每月止關本色米壹石用糧不多即今各衙門蓋造將完合無酌量騰那房屋叁伍間候運到糧米扣算壹年該用之數定撥各衙門徑自

委官收受放支

致年本部題將贓罰等庫收貯衣服布絹不虞
足綾羅紵絲不柰放火顏料皮張等物估計雜
作在京文武官正統十年上半年折色鈔錠
拾壹年令兩京文武官拾月拾壹月本色俸折
絹改為柒月捌月之數

景泰元年尚書金濂題會官議得在京文職官員
該支參分肆分俸糧俱於南京倉支遞年不得
實用合照軍官事例按季折與銀兩不願折者
聽

卷年尚書金瀛奏

准鈔價太賤將本年

文武官員折色俸糧於太倉銀庫收貯折草銀
內照行使價值每鈔伍百貫折銀壹兩放支

肆年光祿寺題本寺并所屬官吏俸糧原在禮
部帶支後因無倉收受暫令京倉關支乞要照
舊尚書金瀛覆 准仍於禮部倉帶收放支

天順柒年令兩京文武官柒月捌月本色俸折絹
改為肆月伍月之數

成化貳年令各衙門官員在任患病叁月者住俸
本年令在京文武官折俸鈔每拾貫折米壹石

肆年尚書馬昂題在京文武官天順柒年上
年俸糧折鈔為因庫貯鈔少向未關支議將銅
錢相兼支放叁分鈔柒分錢每錢叁文准鈔壹
貫行令各衙門徑自赴庫關支其天順捌年成
化元年貳年叁年照例依次折支候有鈔乏日
照舊折鈔

柒年尚書楊鼎題文武官下半年俸糧折支胡
椒蘇木近因京庫椒木不敷查得甲字庫見在
綿布數多每疋折鈔貳百貫通行各衙門會關
准作下半年折色俸糧

拾壹年尚書楊鼎題在京文武官成化崇寧
至拾年止各上半年折俸鈔錠庫貯數少見貯
錢數頗多亦係折鈔送納之數先將成化崇寧
上半年俸鈔給與銅錢照見行折收事例每錢
貳文准鈔壹貫通行關支若錢有餘仍依年次
會關如庫收有鈔照舊關鈔

拾伍年令宛大貳縣官俸照南京上元江寧貳
縣例知縣參柒分縣丞以下肆陸分米鈔兼支
弘治玖年尚書周經會議題 准將直隸蘇松常
參府秋糧起運南京該支公侯駙馬伯并府部

院寺等衙門官員俸祿糧米每石折銀柒錢起
解兩京戶部交納支給

拾壹年尚書周經題查得文武官員折俸鈔錠
永樂間鈔法流通按月支給官得實用後因在
庫鈔少動經肆伍年不支議將 庫見在一
應物件除該用收貯外其多餘物件估計價鈔
准作文武官弘治柒年至拾壹年上半年折色
俸鈔

拾陸年本部會同府部衙門議題兩京文武官
折色俸鈔自本年為始每米壹石仍照宣德捌

年事例折鈔拾伍貫若遇庫藏積有包兒布皮銅錢等物計鈔平準估計折支奉

聖旨是每米壹石折鈔貳拾貫

正德貳年尚書顧佐題蘇松常參府徵解府部等衙門折銀俸糧以後俱送太倉銀庫另項收貯各衙門官員該支俸糧徑赴銀庫於前收銀內照數支給

嘉靖元年都稅司大使閻恕等奏稱 正陽門宣課司崇文門分司安定門稅課司德勝門分司張家灣宣課司批驗茶引所俱順天府所屬官

食糧乞照蘆溝橋抽分竹木局等衙門所部
食糧事例於本府倉關支尚書孫交覆 准自
本年玖月為始俱於順天府倉關支仍行京通
貳倉查照扣除

柒年禮科給事中蔡經題尚書鄒文盛覆

准以後各處解納絹布除原額不可缺者照舊派納
本色外其文武官折俸絹布每絹壹疋派銀柒
錢布每疋派銀叁錢折徵解部依時支給

玖年尚書梁材題查得各處解到絹布折銀分
隸浙江等司秤收誠為民便但文武官員如遇

關支各司分管承行事不歸一合將前銀陸續轉送太倉銀庫另項收貯候在京文武衙門該關時月造冊送部填給勘合徑於銀庫關領以後年分一體施行

貳拾捌年尚書滿漢題查得會典及節年事例凡文官有軍功陞俸級者後雖陞職仍舊帶支若非軍功既以陞職隨即住給其軍功陞俸應加柴薪仍照兵部原議八品以下不加外自五品以下每壹級加壹名五品以上每壹級加貳名以後雖遇遷轉止照原日軍功所陞俸級皂

隸數目帶支不許隨官加帶近來官員多有冒支乞將會典并兵部原題事例申明遵守奉

聖旨今後內外官員加陞俸級非係軍功的陞遷後不許帶支著為令其軍功陞俸并柴薪帶支名數你部裏還將品級應加之數逐一查議條具開寫來看欽此隨該本部開列覆請錄送史館著為

令從九品月俸伍石軍功陞俸壹級月支正九品俸伍石伍斗以正九陞從八俸者月陸石以從八陞正八俸者月陸石伍斗以正八陞從七俸者月柒石以從七陞正七俸者月柒石伍斗

以正七陞從六俸者月捌石以從六陞正六俸者月拾石以正六陞從五俸者月拾肆石以從五陞正五俸者月拾陸石以正五陞從四俸者月貳拾壹石以從四陞正四俸者月貳拾肆石以正四陞從三俸者月貳拾陸石以從三陞正三俸者月叁拾伍石以正三陞從二俸者月肆拾捌石以從二陞正二俸者月陸拾壹石以正二陞從一俸者月柒拾肆石以從一陞正一俸者月捌拾柒石以上加俸之後遇有陞遷仍照所加原俸帶支至正一品俸而止不加其柴薪

從九至正八原額俱貳名有軍功俱不加從七
正七俱額貳名內正七近侍官額叁名從六正
六俱額肆名有軍功加俸外加柴薪壹名從五
正五俱額肆名從四正四俱額陸名從三正三
俱額拾名從二正二俱額拾貳名有軍功俱加
柴薪貳名其從一正一俱額拾肆名而止雖有
軍功不加若玖年考滿陞俸官員照依所陞俸
級開支俸薪陞遷之後非係軍功止支本等原
陞俸米柴薪不許帶支乞 恩等項陞俸例不
僉撥柴薪皂隸奉

聖旨既查議明白着載在令

通行內外遵守

公侯駙馬伯歲支本折祿米

魏國公祿米伍千石本色貳千石折色叁千石
英國公祿米叁千貳百石本色壹千伍百石折
色壹千柒百石

黔國公祿米叁千石本色壹千伍百石折色壹
千伍百石

成國公祿米肆千貳百石本色壹千肆百石折
色貳千捌百石

定國公祿米貳千伍百石本色壹千伍百石折
色壹千石

恭順侯祿米壹千伍百石本色柒百石折色

百石

定西侯祿米壹千伍百石本色柒百伍拾石折
色柒百伍拾石

撫寧侯祿米壹千貳百石本色捌百肆拾石折
色叁百陸拾石

鎮遠侯祿米壹千石本色伍百石折色伍百石
永康侯祿米壹千石本色伍百石折色伍百石
武安侯祿米壹千石本色柒百石折色叁百石
懷寧侯祿米壹千石本色肆百石折色陸百石

恭寧侯祿米壹千石本色伍百石折色伍百石
安遠侯祿米壹千石本色伍百石折色伍百石
武定侯祿米壹千石本色伍百石折色伍百石
臨淮侯祿米壹千石本色伍百石折色伍百石
靈璧侯祿米壹千石本色伍百石折色伍百石
懷遠侯祿米壹千石本色伍百石折色伍百石
隆平侯祿米壹千石本色柒百石折色叁百石
定遠侯祿米壹千石本色伍百石折色伍百石
西寧侯祿米壹千壹百石
通羊於蘇州府長洲縣張文淵戶內支給
保定侯祿米捌百石本色肆百石折色肆百石

陽武侯祿米捌百石本色肆百石折色肆百石
宣陽侯祿米壹千石本色伍百石折色伍百石
豐城侯祿米伍百石本色貳百石折色叁百石
駙馬祿米壹千石本色柒百石小麥叁百石

惠安伯祿米壹千壹百叁拾石本色伍百捌拾
石折色伍百伍拾石

平江伯祿米壹千石本色伍百石折色伍百石
宣城伯祿米壹千石本色伍百石折色伍百石
應城伯祿米壹千石本色伍百石折色伍百石
武靖伯祿米壹千石本色伍百石折色伍百石

彭城伯禄米壹千石本色肆百石折色陸百石
成安伯禄米壹千石本色肆百石折色陸百石
襄城伯禄米壹千石本色伍百石折色伍百石
興安伯禄米壹千石本色叁百石折色柒百石
新寧伯禄米壹千石本色柒百石折色叁百石
伏羗伯禄米壹千石本色肆百石折色陸百石
豐潤伯禄米壹千石本色伍百石折色伍百石
南寧伯禄米壹千石本色伍百石折色伍百石
安鄉伯禄米壹千石本色伍百石折色伍百石
彰武伯禄米壹千石本色伍百石折色伍百石

新建伯祿米壹千石本色陸百石折色肆百石
懷柔伯祿米壹千石本色肆百石折色陸百石
成山伯祿米壹千石本色肆百石折色陸百石
遂安伯祿米壹千石本色伍百石折色伍百石
靖遠伯祿米壹千石本色伍百石折色伍百石
崇信伯祿米壹千石本色肆百石折色陸百石
武平伯祿米壹千石本色肆百石折色陸百石
忻城伯祿米壹千石本色伍百石折色伍百石
清平伯祿米捌百石本色肆百石折色肆百石
東寧伯祿米捌百石本色叁百伍拾石折色肆

百伍拾石

南和伯禄米捌百石本色肆百石折色肆百石
寧晉伯禄米捌百石本色肆百石折色肆百石
武進伯禄米捌百石本色肆百石折色肆百石
廣寧伯禄米柒百石本色叁百伍拾石折色叁
百伍拾石

誠意伯禄米柒百石本色叁百石折色肆百石
固安伯禄米壹千石本色柒百石折色叁百石
外 特恩加賜本色米壹百石

慶都伯禄米壹千石本色柒百石折色叁百石

武清伯祿米壹千石本色米百石折色叁百石

外 特恩加賜本色米貳百伍拾石

永年伯祿米壹千石本色米百石折色叁百石
寧遠伯祿米捌百石本色伍百石折色叁百石

外 特恩加賜本色米伍拾石

各應襲優給俱月支米拾石歲定米壹百貳拾
石內西寧侯應襲仍支原給張文淵戶內壹
千壹百石

沿革事例

洪武初凡公侯駙馬伯祿米皆給官田令量其原定官糧私租之數依主佃分數收取

貳拾伍年令公侯伯皆給祿米論功定數賜田還官與駙馬儀賓祿米俱支本色

永樂貳年令公侯駙馬伯祿米照文武官例米鈔兼支伍千石至叁千伍百石者支米貳千石貳千伍百石者支米壹千伍百石貳千石者支米壹千石壹千伍百石至壹千壹百石者支米捌百

石壹千石者支米柒百石玖百石者支米陸百

伍拾石其餘折鈔貳百石以下全支米

貳拾貳年令公侯駙馬伯祿米折鈔俱於南京

支麥

洪熙元年令公侯駙馬伯折鈔祿米米麥兼支

宣德陸年令以承運庫生絹准給公侯伯祿米

半每疋折米貳石

正統叁年令仍照舊米麥兼支

拾壹年令公侯伯願以南京該支叁分本在

照在京軍職折支絹者聽

拾貳年奏 准公侯伯 不有自願分與族
者聽不願與者親族不許爭訟分奪

景泰元年令侯伯祿米仍米鈔兼支

陸年令以龍江鹽倉鹽照文武官例准支南京
公侯駙馬伯祿米

柒年令以太倉庫草折銀准支公侯駙馬伯折
色鈔每銀壹兩准鈔柒百貫

成化拾玖年奏 准公侯伯祿米本色折色之數
子孫承襲之時俱照舊該部奏

請敕自 上裁

貳拾年令公侯駙馬伯本色祿米每石折銀
柒錢以後仍照舊例

弘治元年令公侯駙馬伯本色祿米仍折支銀
拾年令兩京公侯駙馬伯本色祿米自後每石
折銀柒錢

嘉靖貳年題 准公侯伯歲首全支祿米者倘有
事故准作襲爵子孫次年應支之數不許乞
恩免還

拾叁年題 准行南京戶部每年終將公侯駙
馬該食祿米分別已支未支并罰俸住俸病故

扣除年月日期銀兩數目造冊送部稽考若有情弊聽南京戶部查叅

拾柒年令公侯駙馬伯祿米於戶部關支見任南京并各處鎮守者照舊南京支給 凡公侯駙馬伯奉 特恩加祿者子孫襲爵之日住支 臣等謹按

國初勲戚之臣皆賜官田以代常祿繼令賜田還官給以本色永樂間始令與文武百官皆同米鈔兼支之例然其本折多寡之數則皆請自

上裁無定額也至於在京大小臣工之祿則本色者

參月米折銀折絹也折色者貳本色鈔與布
鈔也皆視品級為差其體臣下之私而勸其忠
廉者恩甚厚矣但勲戚承襲若嫡庶正支無論
矣其間或由弟姪或由旁支則例皆減祿而多
寡之額未有畫一因致夤緣請託之弊生焉而
官卑祿薄者或有不給之慮則往往多不自愛
斯弊也蓋中外同之惟當嚴為之禁而
舊制固未易輕議也然歲賦已定民力漸竭而供億
漸以不支邇者當事諸臣奉將

恩濫汰冗員裁冗祿歲省浮靡不下拾有餘萬或

民力其稍舒乎